



古吳葉天士先生著

本
事
方
釋
義

姑蘇葉山房
督造書籍

姑蘇葉山房義記藏板

類證普濟本事方目錄

按宋本無類證二字各卷做此

儀真許叔微知可述

第一卷

治藥制度總例

治中風肝膽筋骨諸風病

真珠圓

獨活湯

并論證

星附散

二生散

救急稀涎散

按宋本無救急二字

勝金圓

拒風丹

并論證

續斷湯

署預圓

獨活散

地黃酒

防風湯

竹瀝湯

防己湯

木瓜煎

并論

地黃圓

羚羊角湯

烏頭湯

并論

鐵彈圓

黑神圓

定風餅子

茯神散

鼈甲圓

補膽防風湯

按宋本無補膽二字

人參散

治肝虛發熱方

第二卷

治心小腸脾胃諸病

遠志圓

茯神散

寧志膏

驚氣圓

并論證

辰砂遠志圓

茯苓圓

火府丹

七珍散

麴朮圓

白朮湯

二神圓

溫脾散

治肺腎經諸病

棗膏圓

五味子圓

葶藶圓

紫金丹

細辛湯

升麻湯

五靈脂圓

并論證
宋本無脂字

按香茸圓

又方

又方

椒附散

并論證

麋茸圓

并論證

地黃圓

青鹽圓

補益虛勞諸方

按宋本補字
上有治字

五味子圓

人參圓

雙和散

黑錫圓

并論證

石斛散

八仙丹

按宋本八仙丹作天

治頭痛頭暈諸方

川芎散

釣藤散

玉真圓 并論

治氣虛頭疼方

又方

又方

白芷圓

白附子散

羚羊角散

養正丹

黑龍圓

第三卷

治風寒濕痺白虎歷節走注諸病

續斷圓

都君予方

增損續斷圓

王吉老方按宋本

無增損二字王疑當作揚

川烏粥法

并論

薏苡仁散

芎附散

麝香圓

麻黃散

茵芋圓

牛蒡子散

葶麻法

按宋本作治厲風葶麻法

柏葉散

綠靈散

按宋本目缺

趁痛圓

烏頭圓

并論證

治風痰停飲痰癖咳嗽諸方

化痰圓

三生圓

旋覆花湯

檳榔圓

乾薑圓

芫花圓

并論證按此下坊本有蒼朮

圖考即在論證中

紫蘇散

訶子湯

貝母湯

治積聚凝滯五噎鬲氣諸病

纏金丹

枳殼散

訶子圓

礞砂圓

紫金丹

感應圓

枳殼散

鬲氣圓

按宋本作五噎鬲氣圓

薰鬲圓

治膀胱疝氣小腸精漏諸病

念珠圓

礞砂圓

金鈴子圓

按宋本無子字

葱熨法

按宋本目錄

茴香散

并論證

金鎖丹

按宋本作茴香圓

清心圓

豬苓圓

并論證

第四卷

治反胃嘔吐諸病

按宋本反作翻

附子散

鯽魚散

按宋本附子

枇杷葉散

按宋本無葉字

白朮散

竹茹湯

青金丹

香靈圓

治臟腑泄滑及諸痢

按八字宋本缺

訶子圓

鞠藭圓

并論證

陳麴圓

沐香圓

溫脾湯

乾薑圓

白朮散

靈砂丹

按宋本注并論證

木香散

五味子散

治虛熱風壅喉閉清利頭目諸病

利鬲湯

川芎散

芎辛圓

通鬲圓

門冬圓

千金地黃圓

人參散

清氣散

柴胡散

地仙散

治腫滿水氣蠱脹諸病

葶薶圓

實脾散

羌活散

白朮散

按宋本作大棗湯

茯苓散

又方

知母湯

并論證

治腎臟風及足膝腰腿腳氣諸病

腎風攻注腳膝方

并論證

烏頭圓

虎骨酒

又方

檳榔湯

地黃圓

思仙續斷圓

按宋本無續骨升思仙二字

茵芋圓

薏苡仁圓 并論證

鹿茸圓

藥碁子

第五卷

治腸風瀉血痔漏臟毒 按宋本作治腸風痔漏臟毒下血諸病

玉屑圓 并論證

蒜連圓

槐花散

椿皮圓

腸痔下血方

又方

黃芪圓

鼈甲圓

又方

治衄血吐血咯血諸病

萬梅圓

三黃散

搐鼻方

按宋本方

又梅師方

按宋本方

天門冬圓

黃芪散

按宋本方

扁豆散

按宋本作白扁豆散

神傳膏

按宋本方

治眼目頭面口齒鼻舌唇耳諸病

羊肝圓

又方

按宋本方

又方

按宋本方

菊花散

地黃圓

按宋本方

龐安常二方

按宋本方

頭風冷

按宋本方

犀角升麻湯

按宋本方

通草圓

按宋本方

按宋本方

鼻赤酒瘡方

又方

木舌腫脹方

口生瘡方

魚骨鯁方

元參散

紅綿散

黃芩圓

地黃湯

黃芪湯

第六卷

治諸嗽虛汗消渴諸方

按上諸字
宋本無

杏酥散

按宋本
散作飲

柏子仁圓

牡蠣散

防風湯

又方

消渴方

神効散 并論

腎氣圓 并論

三疳圓

治金瘡癰疽打撲諸瘡破傷風諸病

地黃散

劉寄奴散 并論

芸臺散

又方 按坊本作龜傳方

水仙散

檳榔散

地黃膏 并論

柞木散

斂瘡內消方

七寶散

又方 按坊本作沈遇明方

太白膏

國老膏

黃芪散

生犀散

黃芪圓

內托散

車螯散

藥絳方

決明甘草湯

按以上三方宋本作

癰疽發背
共三方

玉真散

第七卷

治諸蟲飛尸鬼症

制諸蟲方

又方

寸白蟲方

并論

治飛尸方

按以上四方周本作制諸

蟲方共四
方并論

雄朱散

按周本注
并論證

白薇湯

倉公散

治腹脇疼痛方 按六字
周本缺

枳實散

枳殼煮散

葛根湯

薏苡仁圓

桂枝散

芎葛湯

又方 按周本作治
頭面昏痛

治諸雜病

昇藥

心痛方

痔疾灸法

服桑枝法

羊肝圓

人面瘡方

補骨脂圓

稀莖圓

杉木湯

葱涕罨損法

治反胃方

獼肝散

以上十二方同
本作諸病症三

字注計一
十二件

第八卷

治傷寒時疫

桂枝湯

麻黃湯

并證

桂枝加附子湯

并證

桂枝加厚朴杏子湯

大柴胡湯

并論證

白虎加蒼朮湯

并論證

黃芪建中加當歸湯

并證

蜜兌法

破陰丹

并證

小柴胡加地黃湯

并證

海蛤散

真武湯

白虎加人參湯

肉豆蔻湯

良薑湯

又方

滑石圓

桂枝湯論證方在前

茵陳蒿湯

瓜蒂散證并

第九卷

治傷寒

結胸灸法

鵲石散

桂枝麻黃湯證

抵當圓證并

披陰丹證方在前

補脾湯證并

治中暍白虎湯證按周本缺目坊本作白虎湯

麻黃湯證方在前

小柴胡湯證并

太陽陽明合病症

小承氣湯證

葛根湯證并

陰毒形證按坊本無目

正元散

退陰散

五勝散

陰毒漸深候按坊本無目

玉女散

還陽散

陰毒沉困候按坊本無目

辨少陰脈緊證

傷寒脈症總論按周本缺目

第十卷

治婦人諸疾

四物湯

枳殼散

內補圓

證并

木香圓

白朮散

紫蘇散

按周本及舊鈔本散俱作飲

下死胎方

紫石英圓

通經圓

地黃圓

證并

龐老地黃圓

按周本目缺

琥珀散

桃仁煎

證并

佛手散

一喙黃芩散

香附散

按上二方周本作崩中下血二

方

愈風散

證并

交加散

虎杖散

按周本舊鈔本
作治諸般淋方

半夏散

蒲黃散

護胎方

又方

芎藭散

麻蘇粥法

當歸散

大棗湯

按坊本作甘
麥大棗湯

鹿屑湯

按坊本作
鹿香湯

療胞衣死胎不下方

按坊

本作如聖膏周本
缺不下方三字

治小兒諸疾

小兒形證

按坊本
作脈症總論

睡驚圖

麥門冬散

白朮散

調中圓

芎朴圓

消積圓

捻頭散

按周本及舊鈔本頭作念

褊銀圓

按周本及舊鈔本褊作扁

醒脾圓

又方

人參散

蝎稍圓

龍齒散

類證
齊本事方目錄終

葉君澹安將列其曾祖天士先生所著許氏本草方
釋義一書而問序於余觀其原書既有許學士之序
矣著為釋義則又有先生之自序余復何言維然先
生所以著此書之意與澹安刻此書之故不可以不
述也昔者神農辨百草伊尹制為湯液古聖君賢相
有經緯天地翊贊幽明之功而必斤斤於此者誠欲
消斯民天札癘疾之灾而全其生也故太史公為扁
鵲倉公立傳而後世作史者宗其意必立方術一門
良以醫之為道有仁壽斯民之功非可以尋常小道

視之月雖然六氣有順逆四時有正變陰陽有衰旺
血氣有盈虛起居則貴與賤勞逸不同稟賦則古與
今強弱亦異治疾者差之毫釐謬以千里執古方以
治今病豈有當乎諺云學醫人費此雖戲言不可不
察也醫豈易言哉特是執古方不可以為醫而舍古
方又何以為醫是在神明於規矩之中若大匠誨人
不越乎斧斤繩墨而巧拙則存乎其人爾此許氏本
事立方而先生又因方而釋其義之意也方先生之
以醫鳴於世也神明變化起死回生余生晚不及見

先生然吳中父老皆樂談其軼事書之雖累牘不能
盡謂為今之扁鵲浮于意可也將來

本朝國史為方術立傳必以先生為第一人矣顧其
生平少所著作世惟傳醫方指南一編其書乃先生
棄世後門下學者各以所聞知蒼萃而成其方不盡
出先生之手而又無所發明觀者不知其用意之所
在故書雖盛行於世先生度世之金針不在斯也此
書於某方治某病某藥行某經君臣佐使攻補升降
一一發明其義雖所錄無多令人可獲舉一反三之

效其嘉惠後學功豈在古人下哉先生自謂一生心得在此故遲之久而後成書成在乾隆十年先生年已八十矣將繕本付梓是歲先生遽歸道山而其書亦亡嘉慶八年澹安之弟羽壺於古簾中檢得先生所著序文目而知有此書然求之累年不可得至十七年澹安之姪半帆始目其友劉景黃言訪而得之於城南顧西疇家借歸校之宛然趙璧復還澹安曰亟謀剞劂以期壽世惟視世所行坊本少三十餘方復購宋本校之則與此書同而坊本所多者宋本皆

無之殆好事者於何時附益之耳澹安以為醫者依
方療疾多一方則多一方之用與其過而去之毋寧
過而存之故其方雖無先生釋義仍加採錄附於原
書之末學者欲知先生聖神上巧之處觀此可以窺
豹一斑矣余先祖介菴先生亦以醫術名於世余以
仕官勞形不克繼承先業然生平頗好方書常景仰
先生之風而怪指南一書之冗襍不足以傳也今得
此書畧見先生心力之所在故樂得為之序

嘉慶十九年六月同里石韞玉序



天士先生之應星占少斫儒術天才汗
漫三餘愛涉岐黃人事崎嶇一疏強
名和緩遂乃宣揚金匱游戲銀凡手授
祛癩之鍼門駐死地之輜世驚其視垣
一方澄肺六葉觸手生春雜法以意傳
為華佗天授以識分銖俞跗神通治蠲
湯液矣不知其煎枕竒咳磨研理論
晞聒凝轉繡駕開覽者蓋有在也茲

喬孫澹安先生是以有類證普濟本事
方釋義之刻本事方者宋集賢院學士
許殊浙之所著也學士負希文之志而
晦於高盧扁之名而軼於史始緣甄
權之孝而練其術終法陸贄之仁而筆
法書彼其五珍精參六微洞究嚴析夫
四然二反之交句調乎三佐一君之用其
通浙則秦氏之禁方也予集驗則倉公

之診籍也特以措詞近古聾牙或駭殿
盤加之槩本傳訛觸目頗嗔燕燭先生
乃取家藏善本罄心摘元出意譯祕成
釋義十卷付剞劂氏而未果也今日

者宰樹踰圍楹畫感涕持誇翹好羣
騫仙遇龍威為體痼痲弗忍祕同鴻寶
胷孫等爰出藏山之本謹刊行世之書
嗚呼百年手澤一寸心田不禁對是編而


愀乎有感也。緬惟黃土搏人，赭鞭別草論。
量五色黃神，探俞穴之微消息。三停素
女發明堂之訣，嗣是禮課十全。傳梅三折
漢志七家，唐官四屬。醫術尚矣，經方夥
矣。然而道經妻媿技，絕鍼翳仙井。湮淪
靈石，瓊楠。榴訊醫為意，幾多膠柱以調
絃。用藥如兵，無奈學書而費紙。夫古者
鄭人諦名，郢律亦規形。銅穴曾羅竹筵，指

喻言有影側支蘭湯施案抗毒如聞病之
陰陽易遁隔帷之色候難區桓侯多恙
誰徵媵理之邪壺子藏機銀辦權衡之氣
加以一方必佐使相須一草復根莖異性苦
憶儵魚竅良已痿誰知護草不定忘憂
而又或悖剛柔之劑或乖配合之宜謂
已豆而可君信烏頭以為帝假云用毒攻
毒可復以寒增寒此診脈之與交劑並難

也有此二難重之兩失經談五運窺天等
驗弓無法列九鍼論益多兼補瀉病痛
胡域手春陽病瘞詎拘乎辛水執殊和
脈訣寧賦形秉柔之皆同韻廷紹成方
奈枳實豆湯之不效玉若紹興南局香
燥偏多完素北人寒涼入主子和務瀉
實之方丹溪指補陰之劑尚溫則熨五
分之是炷用冷則瓶百灌而弗衰究之

六芝五石投宜自是同功斗火盤冰執已
終無一是此泥古之甚偏私並失也澹安
先生暨其猶子訥人半帆等雅游竹素弗
業乃圭函恃門風務標宗第以仙瓢
宛在雞肋一卷之經命鑰攸闕合擴千
金之德幸讀者細繹彈精神明忘手果
堪遇學士於茗中快領鑿以之斧詎假
起先生於地下更施續命之湯

嘉慶甲戌孟冬朔日吳縣朱昌和謹序



天下事精其藝者必有心傳學其藝者
每有心得今與古以心相印乃成不朽
之業也予多拋舉業從事岐黃凡內經
素問金匱靡不童而習之以及丹溪東
垣節菴諸大家亦嘗博覽兼收特所見
異辭所聞異辭莫能得其融會貫通之
所在厥後得許學士奉事方一書觀其

以疵著方因方辨疵始覺豁然心目然
猶以為人所共見之書也及得葉香巖
先生釋義探原索委使許氏未發之奇
不傳之巧盡剖而出之予一旦祕之枕
中勝讀十年書矣嗟乎古今人氣體不
相同也無論上古之世卽如仲景以來
數千年氣體厚薄迥乎有別以古人之

成方治今人之氣體不亦泥哉而許學
士僅去今六百餘載香巖先生予曾肩
隨共事則是書尤覺切近於斯也夫
先生得學士書遂升堂入室療疾如神
學士得先生注則義顯理明苦心悉見
是兩人相須正殷所謂精其藝者有心
傳學其藝者有心得非虛言也予雖推

魯敢讓先生以獨得而不為分惠乎且
將以先生所得者為予心得云

乾隆五十六年歲次辛亥仲冬吳縣顧
文烜西疇氏撰



余嘗謂天下事有不為未有為之
而效不至者世人自幼習舉子業
殫心於經書文藝不幾年輒登
上第居顯官人皆以為此積學所
致余曰此特為之而效至耳夫天
下事為之而效至者豈徒科舉之
業哉古語云不為良相即為良

黃序一

醫之活人其效見於當時者在其術其效見於後世者在其書昔宋儒許學士著普濟本草方十卷迄今醫家奉為圭臬

國朝葉香岩先生為之釋義許創於前葉述於後為之而有其效者前後一揆矣香岩之書向未刊行

家無藏本而傳鈔之帙流於洛人間
故西疇顧君奉為枕中祕葉氏子
孫訪求數十載渺不可得西疇身
後葉氏始訪而得之將繕本付梓
因元本與坊本多有異同恐無
以信今傳後遂從余家借得宋刻
殘本前六卷及老醫周蘊石家抄

本後四卷并無名氏舊抄本十卷
逐一勘對始知釋義本實係許氏
元書坊間新刻可及刊成之日屬
序於余曰予不知醫理也但有醫
書耳有醫書而可為醫理之助者
予所願也許書宋刻世所罕見余幸
有之以待今日校勘釋義之用此亦

非余為之而效自至者乎究心醫理之
效通於醫者得之究心醫書之效藏
其書者得之豈不相得益彰乎余嘉
是書之刊成而并感葉氏與余商權
之盛意遂不辭而贅數語以見事之
為之而效自至者凡事皆然也然則
世之讀書者又安可不稽古求是乎

黃序三

哉

嘉慶歲在甲戌六月五秋前五日黃

丕烈序



許學士並濟本事方原序

醫之道大矣可以養生可以全身可以盡年可以利天下與來世是非淺識者所能爲也苟精此道者通神明奪造化擅回生起死之功則精神之運必有默相於冥冥之中者豈可謂之藝與技術爲等耶竊疑上古之時如岐伯輔黃帝伊尹相商王皆有方書以瘳民瘼逮及後世周有和緩秦有扁鵲漢有倉公魏有華佗宋有徐文伯唐有孫思邈又皆神奇出人意料背望踵躡代不之人自茲以往其妙不傳間有能者僅可一二數何古人精巧如是而今人之不逮也予嘗思之古人以此救

人故天畀其道使普惠含靈後人以此射利故天嗇其術而不輕畀予無足疑者予年十一連遭家禍父以時疫母以氣中百日之間併失怙恃痛念里無良醫束手待盡及長成人刻意方書誓欲以救物爲心杳冥之中似有所警年運而往今逼桑榆漫集已試之方及所得新意錄以傳遠題爲普濟本事方孟榮有本事詩楊元素有本事曲皆有當時事實庶幾觀者見其曲折也予旣以救物爲心予而不求其報則是方也烏得不與衆共之

類證普濟本事方序

甚哉治病於未病之先者無其人哉世皆治病於已病之後於是乎方立然方固不同有傳之於古有驗之於今有得之師授有得之人傳總未明乎方之旨以及藥之升降浮沉寒熱溫平良毒之性與夫宣通補瀉輕重滑澀燥濕反正類從之理而徒執方以療病猶夫未能格知誠正而欲秉國鈞執國政致斯民於仁壽之域也
嗚呼哉故良醫與良相同尊有由來也許子叔微白沙人也房希憲嗜岐黃紹興中舉進士仕翰林學士服官之暇研究經論每遇疑難必闡其蘊發其微究其源窮

其事本
其奧以故奇症怪病皆能療之手著傷寒發微論傷寒
百證歌議證二十二篇仲景脈法諸書皆膾炙人口至
本事方其後焉者也舉生平救治諸方投而輒驗者集
成一書分爲十卷名曰證治普濟本事方於本事而顏
之曰普濟不特以慈祥愷側之懷發而爲救世利民之
事并欲使黃冠緇衣咸受其化裁不致抱疴而莫救庸
醫昧士俱遵其例派毋庸杜撰以爭奇故於方後或述
病源或明用藥使人一覽而易曉焉向使許子非沉溺
乎三皇五帝之書浸淫乎諸子百家之說烏能出奇無
窮良效如是業醫者得其方而玩索之識見於是而益

開舉業於是而益粹卽不知醫者身處乎僻壤窮鄉求
良醫不速者得是書而珍惜之開卷亦可檢方斟酌卽
能自藥其有補於天下後世也豈淺鮮哉是亦普濟之
義也夫錢開禮謹序


吾吳葉天士先生以學名手到病除迄今如十季
敗夫豎子類能舉其名字植德既高後裔皆才俊
孫堂精音律有納書榜出譜行世曾以銓以名諸
生賦授官中書予咸与之友顧未嘗輕言緊蓋
守先生之遺訓嚴矣銓早世其子滋亦能文郵寄先
生所著本事方釋義示予而請為之序予受而讀
之歎曰醫之為道雖本性生未有不成功於學者也
先生天稟穎特於岐黃家之無所不窺既得宗集

吳序一

賢院學士許邦微所撰本事方扶精探微為之句
以字櫛而務發揮其所以然精審不為實為晚年
論定之書然後知先生神明規矩其於古人成法沉
潛默識而後能變化從心若是予深痛夫鄉曲小夫
目不知書騁其師心自用而以性命為嘗試真所謂
以索餌為刀刃者嗚呼得先生是書熟讀而深思
之其尚知所返哉抑予往嘗見俗子傭書遇古器
方脫落殘缺輒任意補綴一字訛流毒殺人足

書得滋与其世父鍾徧求宋槧善本詳加校正葉
氏之有後可喜也且援以為習醫而細心讀書
者法

嘉慶十九年四月望日同里吳雲謹序



類證普濟本事方釋義序

余幼習舉子業丹鉛之暇喜涉獵岐黃家言自素問難經及漢唐宋諸名家所著書靡不旁搜博覽以廣見聞歲十四遭先君子憂既孤且貧不能自給因棄舉子業而一意肆力于岐黃得親家藏宋許學士本事方學士諱叔微字知可官集賢院學士蓋士而精于醫者也觀其用藥製方窮源悉委深得古人三昧苟非三折肱良不易辨蓋其心存普濟于以闡發前人之祕以嘉惠後人者厥功偉矣顧世之不知者或疑之以其官居禁人豈其一無所建白于世而顧不以功名顯并不以文章

名考之宋史姓名不少槩見卽儒林藝術曾不得一處
名其間而僅見之稗官野史抑又何也不知宋自高廟
而後國事日非奸良莫辨學士以文章經濟之身處閑
散之位事權不屬強聒何爲因發憤著書以自抒無聊
之志所謂邦無道危行言孫學士固不求人知人又何
能知學士也且宋史成于元代于中朝士多所簡略安
知非蒐羅未及而故逸之也雖然君子不得志于時而
著書立說藏之名山傳之後世亦未可爲不幸今其書
具在讀者誠能服膺而勿失於以壽人而壽國何莫非
學士之力乎余懼其久而湮沒弗彰也因不揣鄙陋爲

箋釋其義而授之梓因爲弁數言于首

乾隆十年歲次乙丑十二月上旬長洲後學葉桂識

類證普濟本事方坊刻王氏本備錄計三十條

第一卷 計一條

蘇合香圓 治氣中暴厥

白朮

青木香

烏犀角 屑

香附子 炒去毛

硃砂 研水飛

訶梨勒 煨取皮

白檀香

安息香 另末無灰酒壺升熬膏

沉香

麝香 研

丁香

華撥 各貳兩

龍腦 研

蘇合香油 各壹兩入安息香膏內

薰陸香 壹兩 別研

右為細末入研藥勻用安息香膏并煉白蜜和劑每服旋圓如梧子大早取井華水溫冷任意化服四圓老人小兒化服一圓溫酒服亦得並空心服之蠟紙裹一圓如彈子大緋絹袋當心帶之一切邪神不敢近

第二卷 計九條

衛真湯

按在黑錫圓下

治丈夫婦人元氣衰憊榮衛怯弱真

陽不固三焦不和上盛下虛夜夢鬼交覺來盜汗面無

精光唇口舌燥耳內蟬鳴腰痛背倦心氣虛乏精神不

寧驚悸健忘飲食無味日漸瘦悴外腎濕痒夜多小便
腫重冷痛牽引小便足膝緩弱行步艱難婦人血海久
冷經候不調或過期不至或一月兩來赤白帶下漏分
五色子宮感寒久不成孕並皆治之此藥大能生氣血
遇夜半子時腎水旺極之際補腎實臟男子攝血化精
諸病未萌之前皆能制治使不復為梗

人參 壹兩
半

當歸 酒浸
一宿

青皮 去
白

丁香 各壹
兩

川牛膝 童便酒各半
盞浸一宿

生地黄 各貳
兩

白茯苓

木香

肉豆蔻

熟地黄 洗温 水

山藥 各參 兩

金釵石斛 伍 兩

右為細末每三大錢酒調下鹽湯亦得空心食前一

服婦人諸病童便全酒調空心服

鼈甲圓

按在石 斛散下

治勞嗽虛症及鼻流清涕耳作蟬鳴

眼見黑花一切虛症丈夫婦人皆可服

五味子 貳 兩

鼈甲

地骨皮 各參 兩

右為末煉蜜圓如梧子大空心食前温酒或鹽湯任

意服三五十圓婦人醋湯下

此方乃曲江人家祕方服効者衆且處方有理

治氣虛頭疼

又方按在第二方之下

治腎虛頭痛

硫黃

食鹽等分

為末水調生麩和圓梧子大每葉荷茶下五圓

白附子散

又方 治偏正頭風

白附子

白芷

豬牙皂莢去皮等分

為末食後茶清服仰臥少頃

荆芥散

按此下三方在羚羊角散之下

治頭風

荆芥

石膏

煨存性等分

右為細末每服二錢薑三片葱白三寸和鬚使水一

盞煎至七分食後服

透頂散 治偏正頭風夾腦風并一切頭風不問年深

日近

細辛

表白者
三莖

瓜蒂

染
箇

丁香

參
粒

糯米

染
粒

腦子

麝香

各壹黑
豆大

右將腦麝乳鉢內研極細卻將前四味研勻另自治為末然後入乳鉢內盪起腦麝令勻用瓦罐子盛之

謹閉罐口患人隨左右搗之一大豆許良久出涎一

升許則安

又方

女人頭運天地轉動名曰心眩非血風也膽子礬一
兩細研用胡餅劑子一箇按平一指厚以篋子勒成
骰子大塊勿界斷於瓦上焙乾每服一骰子為末燈
心竹茹湯調下

黑龍圓

又方 治八般頭風

草烏尖

細辛分等

黃丹許少

右為細末用葦管搐入鼻中

又方

頭風白屑痒甚藜蘆末沐頭擦之緊包二日夜避風

効

第三卷 計一條

川芎圓

按在芫花圓下

治鼻上痰

川芎

貳兩細剉
慢火熬熟

川大黃

貳兩蒸
令乾

右件焙乾為末用不蛀皂角五七挺溫水揉汁絹濾
出渣瓦罐中熬成膏和前二味為圓如桐子大每服
十五圓小兒三圓薑湯下

第四卷 計三條

靈砂丹又方 治熱毒赤痢

黃連二兩切瓦焙令焦當歸一兩焙為末入麝香少許每服二錢陳米飲下佛智和尚在閩以此濟人

寒熱疝疾方 按在地仙散下

人言 壹錢

綠豆根

為末無根井水圓菜豆大黃丹為衣陰乾發日五更

冷水下五七圓

酒浸牛膝圓 按在鹿茸圓下

治腰脚筋骨痠無力

牛膝 參兩炙黃

川椒 半兩去目并合口者

附子 壹箇炮去皮臍

虎脛骨 真者半兩醋炙黃

右咬咀用生絹作袋入藥紮口用煮酒一斗春秋浸十日夏浸七日冬浸十四日每空心飲一大盞酒盡出藥為末醋糊為圓每服二十圓空心溫酒鹽湯任下忌動風等物

第五卷 計十七條

裸花散 又方 治腸風下血

五倍子

白礬 各半兩

為末順流水圓梧子大每服七圓米飲下忌酒

又方 治酒痢下血

百藥煎五倍子陳槐花等分焙研末酒和圓梧子大

每服五十圓米飲下

腸痔下血 又方 治熱毒下血

金星草

赤乾薑 各壹兩

為末每服一錢新汲水

梅師方 又方 治衄血不止

薄荷汁滴之或以乾者水煮綿裹塞之

熱病後眼患方

按在菊
花散下

治諸眼患因熱病後毒氣攻

眼生翳膜遮障服此藥遂旋消退不犯刀鍼

青箱子

防風

枳殼

各壹兩

羌蔚子

細辛

黃連 各半兩

枸杞子

澤瀉

生地黃

石決明 各壹兩半

車前子

川當歸

麥門冬 去心各貳兩

右各如法修治焙乾為末煉蜜圓如梧子大每服三

十圓飯飲吞下忌一切熱毒物

治睛疼難忍者方 按以下三方在龐安常二方下

川當歸

防風

細辛

薄荷 各等分

右為末每服三錢麥門冬熟水調下食後日午夜臥各一服

鍼頭圓 治男婦室女小兒諸般赤眼

川烏尖 柒枚 懷乾

白殭蠶 柒枚 去 嘴 懷乾

木鵬砂 拾文

右為末用豬膽汁調藥成軟塊攤碗內荆芥艾各一兩皂角小者一莖燒將藥覆薰之常將藥膏攪勻轉又攤又薰以皂角荆芥艾盡為度再收成塊用油紙裹入地中冬天兩日夜夏天一夜春秋一日夜取出圓如鍼頭大每一圓入眼中妙

又方

眼生黑花年久不可治者椒目炒一兩蒼朮炒一兩
為末醋和圓梧子大每服三十圓醋湯下

犀角升麻湯

又方

治牙齒疼痛方

大川芎第一箇入舊糟內藏一月取焙入細辛全研
末揩牙

又方

治風齒腫痛方

馬齒莧一把嚼汁漬之即日腫消

又方

風蟲牙痛齦常出血漸至崩落口臭極效大黃米泔

浸軟生地黃各旋切一片合定貼上一夜即愈未愈再貼忌說話恐引入風

口生瘡方又方按以下五方俱在口生瘡方下

治膈上熱極口舌生

瘡方

膩粉壹匕

杏仁柒粒不去皮尖

右二味臨臥時細嚼令涎出則吐之用溫湯漱口未

瘡可又用

又方甘治同上

膽礬一塊用百沸湯化開含漱一夕可瘥八分

又方治口舌生瘡方

用生薑一塊臨睡時細嚼含睡不得出氣眠著不妨
睡覺燕下

加減甘露飲 治男子婦人小兒胃客熱口臭牙宣赤
眼口瘡一切瘡疼已散未散皆可服之

熟地黃

生地黃

天門冬

去心

黃芩

枇杷葉

山茵陳

枳殼

金釵石斛

各壹兩

犀角

尖

甘草

各伍錢

右為末每服二錢水一盞煎至七分去渣食後臨臥

溫服小兒一服分作兩服更斟酌與之

又方 治虛壅上攻口舌生瘡

草烏 壹箇

南星 壹箇

生薑 壹塊

為末醋調作掩子貼手腳心

黃芪湯 又方 治耳卒聾閉方

以鼠膽汁二枚滴之如雷鳴時即通

第六卷 計五條

治鼠瘻癰瘰方 按以下五方在決明甘草湯下

刺蝟皮瓦上炒研末加水銀粉傅

又方 治同上

土附子

壹枚

食鹽

叁斤

小便

伍升

右三味全浸半月日取出將附子去黑皮陰乾為末
用黑豆煮爛研為膏圓附子末如梧子大每服十圓
酒吞下早晚二服

火丹方 治丹從臍起

檳榔末醋調傅之

又方 治煙火丹發從背起或兩脇及兩足赤如火

景天草真珠末一兩搗和如泥塗之

又方 治螢火丹從頭起

慎火草和苦酒塗之

第七卷 計一條

染鬚髮方

按在卷末

生地黄一斤生薑半斤各洗研自然汁留滓用不蛀
皂莢十條去皮弦蘸汁炙至汁盡爲度全入罐內泥
固煨存性爲末用鐵器盛末三錢湯調停二日臨臥
染鬚髮卽黑

將建慶州

國好平好漢不取嚴器風水三致新時

皇及十款去火對其十是李和書萬則全入雜內

皇以黃一八生喜半八本武和自然中得率用不

宋徽宗六

紫子卷

大草

類證普濟本事方坊刻王氏本備錄終

普濟本事方治藥制度總例

古之聖人不治已病而治未病是以民無夭札物無疵癘患病者少故無方藥以治病也後世之人不然也以酒爲漿以妄爲常不知持滿不時御神務快其心匿於生樂起居無時飲食無節奸貪詐僞無所不至以致六氣侵於外七情擾於中故人每每多病所見之病或內因或外因或不內外因或暴至或因循病態百出不得不有賴於金石草木昆蟲鳥獸鱗介之藥也然而必土產之道地炮製之精良按方留心施治無不効驗否則雖長桑

扁鵲仲景諸賢之方投之不得効驗也非惟無益
於病抑且有害於人則道地之與炮製豈可忽乎
哉但炮製之法宜生宜熟宜刀圭宜呷咀宜酒製
宜酥炙當悉遵雷公制度庶不悖古人立方之意
僕不揣鄙陋聊贅數言以供同志之採擇云白沙
許叔微知可氏謹識

兔絲子酒浸曝焙乾用紙條子同碾即便爲末
半夏沸湯浸至溫洗去滑換湯洗七遍薄切焙

乳香掛窻孔中風乾研或用人指甲研或以乳鉢坐

水盆中研

天雄附子烏頭灰火炮裂去皮尖用
牡蠣鹽泥固濟乾火燒通赤去泥用
鹿茸酥炙黃燎去毛

諸角鎊治為細末方入藥

茯苓牛膝酒浸水洗焙乾用
破故紙蛇床子茴香炒令香

桂去麤皮取心用不見火

葶藶苦者炒令香

桃杏郁李仁皆去皮尖微炒

天麥二門冬略用水浥去心

杜仲去皮剉如豆炒令黑

桑螵蛸塗酥慢火炙令香

大黃以濕紙裹甑上蒸

枳殼去穰細切麩炒黃

厚朴去麁皮生薑汁炙

椒去目并合口微火炒地上出汗

前胡柴胡藁本皆去苗淨洗

諸花皆去萼及梗

遠志牡丹地骨皮去心

阿膠碎之蛤粉炒成珠子

石葦枇杷葉溫水浸刷去毛焙

蛇蛻蟬蛻洗去土炙蟬去頭足

巴豆去皮心膜細研新瓦上出油

蛇黃炭火煨通赤醋淬三五度

酸棗仁微炒去皮研

當歸洗去蘆薄切焙乾後秤

花蛇烏蛇肉酒浸去皮骨炙

真珠母末鑽真珠也研如粉

吳茱萸湯浸七次焙

香附子麩炒春去皮

芫青斑猫去頭翅足

敗龜虎骨並酥炙

殭蠶去絲嘴炒

乾漆炒至大煙出

防風去釵股者

皂角去皮弦炙用

茵芋去梗剉炒用

木鼈去殼研

虎睛酒浸切焙

葳靈仙去苗洗

紫蘇子淘洗

鼈甲醋炙黃

黃連去鬚用

甘草炙

乾薑炮

蜈蚣去頭足

蝎去毒

水蛭炒焦

柏子仁研

茯神去木

本草
細辛去葉

神麴碎炒

青皮去白

茯苓去皮

普濟本事方治藥制度總例終

校刻本事方釋義例言

一 是書家藏原稿殘缺壬申秋始從顧氏假得全書卽謀付梓因書經傳鈔不無訛脫叅考數月始得告竣意主校對故並列異同不敢以己意斷其是非

一 釋義所據原書措辭簡淨與世行坊刻雲間王氏本迥異乃是家藏善本而許氏原書錄在 中祕民間無從取證惟宋槧前六卷殘本及周氏蘊石後四卷鈔本多與相合故專用二本叅校而坊本不復贅入然坊本具在讀者取而互閱之可也

一 是書旣多魯魚之訛而宋本及周本亦多紕繆似仍

不及釋義所據本也今一以釋義原本為主而二本之互異者注於每句之下

一諸本語句不同而於義無別者不復注明以省輻輳
一自宋本周本而外藏書家頗多舊鈔本有可叅校異同者亦為採入

一諸本俱聳牙難讀則仍並注坊本以備叅考

一書中所引素問千金方諸書既經作者刪節語句不必盡合其或義有相歧亦間為注出然不免挂漏也

一原本不存舊序而宋本有許氏自序一篇又無名氏舊鈔本有錢開禮一序今並補入

一原本有治藥總例一則當是治藥引言為宋本所缺而制度各條則無之今從宋本補入恰如覓得玉合子也

一釋義主於暢達其或複述原文亦錚于申之之意讀者勿訝其詞繁不殺也惟字句偶有不順或亦傳寫之誤畧為條貫其辭

一釋義辨藥之氣味及所入經絡或繁簡不同或前後互異對病發藥不可拘以一律今悉依原本不易一字

一凡叅校增入之注俱冠一按字以別於原文

一坊刻所載之方較諸本獨多不知為後人竄入抑仍許氏所增損也今悉附錄于後不欲以無釋義而置之

一是書自宋槧殘本外唯憑鈔本校對其藥味分兩間有參差在用之者自能臨證變通然何如歸於一是一為無憾乎倘藏書家收弄善本慨然出示俾得更加考訂補附卷末於以嘉惠斯世則亦不負學士普濟之意云

曾孫鍾

元孫

滋潮謹識

附葉香巖傳長洲沈德潛撰

君名桂字天士號香巖先世自歙縣遷吳諸生隆山公
曾祖也祖紫帆有孝行通醫理至君考陽生而精其術
范少叅長倩無子晚得伏菴太史生無穀道啼不止延
醫視之皆束手陽生翁至曰是在膜裏須金刀割之割
之而穀道果開太史既長爲紫帆翁作傳以報焉君少
從師受經書暮歸陽生翁授以岐黃學年十四翁棄養
君乃從翁門人朱君某專學爲醫朱君卽舉翁平日所
教教之君聞卽徹其蘊見出朱君上因有聞於時君察
脈望色聽聲寫形言病之所在如見五藏癥結治方不

執成見嘗云劑之寒溫視疾之涼熱自劉河間以暑火立論專用寒涼東垣論脾胃之火必務溫養習用參附丹溪創陰虛火動之說又偏于寒涼嗣是宗丹溪者多寒涼宗東垣者多溫養近之醫者茫無定識假兼備以倖中借和平以藏拙甚至朝用一方晚易一劑而無有成見蓋病有見症有變症有轉症必灼見其初終轉變胸有成竹而後施之以方否則以藥治藥實以人試藥也持論如是以是名著朝廷下至販夫豎子遠至鄰省外服無不知有葉天士先生由其寔至而名歸也居家敦倫紀內行修備交朋以忠信人以事就商爲剖析成

敗如決疾然洞中窾會以患難相告者傾橐拯之無所
顧藉君又不止以醫擅名者沒年八十配潘孺人子二
奕章龍章奕章亦善醫以君名掩孫二堂堅曾孫三人
習儒業食君之德高大家聲將于是乎在

論曰自太史公傳倉公件繫其事陳承祚作華佗傳因
之後戴九靈宋景濂倣其體作名醫傳君不欲以醫自
名并不欲以醫傳後臨沒誠其子曰醫可爲而不可爲
必天資敏悟又讀萬卷書而後可借術濟世不然鮮有
不殺人者是以藥餌爲刀刃也吾死子孫慎無輕言醫
嗚呼可謂達且仁矣